

XXI POSTUPAK IZMJENA I DOPUNA STATUTA

Član 44.

Izmjene i dopune ovog Statuta predlaže Uprava kada takva obaveza nastaje po Zakonu ili je opravdana radi utvrđivanja odnosa u Preduzeću.

Član 45.

Izmjene i dopune Statuta stupaju na snagu osmog dana od dana objavljivanja u „Službenim novinama Općine Goražde“.

XII PRELAZNE I ZAVRŠNE ODREDBE

Član 46.

Preduzeće ima obavezu najkasnije 30 (trideset) dana od donošenja Statuta da uskladi ostale akte Preduzeća sa Statutom.

Na pitanja koja nisu regulirana ovim Statutom primjenjivat će se odredbe Zakona o javnim preduzećima u Federaciji BiH, Zakona o privrednim društvima i Zakona o radu, te drugi propisi iz oblasti koju regulišu.

Član 47.

Ovaj Statut stupa na snagu danom objavljivanja u „Službenim novinama Općine Goražde“.

Broj: 01-02-3118
Goražde, 11.06.2009. godine

PREDSJEDAVAJUĆA VIJEĆA
prim.dr. Vesna Nemeć-Klisura

0165

Na osnovu člana 15. Zakona o principima lokalne samopurave u Federaciji BiH („Službene novine Federacije BiH” br. 49/06) i člana 35. Statuta Općine Goražde („Službene novine Bosansko-podrinjskog kantona Goražde” br. 13/07”), načelnik Općine Goražde d o n o s i:

CJENOVNIK TROŠKOVA TEHNIČKOG PREGLEDA GRAĐEVINA

Član 1.

Ovim Cjenovnikom utvrđuje se način imenovanja komisije za vršenje tehničkog pregleda građevina te način obračunavanja i naplate troškova tehničkog pregleda građevina na području Općine Goražde.

Član 2.

Komisija za vršenje tehničkog pregleda građevina (u daljem tekstu: komisija), imenuje se rješenjem Službe za prostorno uređenje i komunalne poslove Općine Goražde u skladu sa Zakonom o građenju Bosansko-podrinjskog kantona Goražde, a na osnovu usvojene liste lica koja ispunjavaju uvjete za obavljanje poslova tehničkog pregleda građevina.

Član 3.

Angažovanje lica za obavljanje tehničkog pregleda vrši se po abecednom redosljedu utvrđene liste u okviru odgovarajuće struke.

Članovi komisije koji postupaju suprotno odredbama zakona, rješenja o imenovanju ili se dva puta zamjene narednim kandidatom sa liste, gube pravo da vrše tehnički pregled građevina u tekućoj godini.

Član 4.

Troškove vršenja tehničkog pregleda građevina utvrđuje zaključkom Služba za prostorno uređenje i komunalne poslove, a u iste ulazi naknada za rad članova komisije, putni troškovi i dnevnice, a obračunavaju se na osnovu predračuna vrijednosti građevine koji je sastavni dio projektne dokumentacije kako slijedi:

- za građevine do 100 m ²	1% od investicione vrijednosti
- za građevine od 100 do 500 m ²	0,9% od investicione vrijednosti
- za građevine od 500 do 1000 m ²	0,5% od investicione vrijednosti
- za građevine od 1000 do 2000 m ²	0,4% od investicione vrijednosti
- za građevine od 2000 do 3000 m ²	0,3% od investicione vrijednosti
- za građevine od 3000 do 5000 m ²	0,2% od investicione vrijednosti
- za građevine od 5000 do 10000 m ²	0,15 % od investicione vrijednosti
- za građevine od 10000 do 20000 m ²	0,08% od investicione vrijednosti
- za građevine od 20000 do 40000 m ²	0,05% od investicione vrijednosti

Za građevine čija površina prelazi preko 40 0000 m² obračun troškova se vrši tako što se za svakih 10 000 m² procenat iz alineje 9. prethodnog stava umanjuje za 10%, tako da obračun predstavlja zbir iznosa iz alineje 9. i iznosa po osnovu umanjenja.

Za građevine kod kojih u projektnoj dokumentaciji nije definisana predračunska vrijednost građevine osnovica za obračun troškova tehničkog pregleda je prosječna konačna građevinska cijena m² korisne stambene površine na području Općine Goražde.

Troškovi tehničkog pregleda izvedenih radova na promjeni namjene stambenog u poslovni, odnosno poslovnog u stambeni prostor utvrđuju se paušalno kako slijedi:

- za stanove i poslovne prostore površine do 50 m ² u iznosu od	185,00 KM
- za stanove i poslovne prostore površine preko 50 m ² u iznosu od	220,00 KM

Troškovi vršenja tehničkog pregleda elektroenergetskih, telekomunikacionih, infrastrukturnih objekata i gasnih instalacija utvrđuju se paušalno kako slijedi:

a) za elektroenergetske objekte:

- trafostanice (betonske stubne, rešetkaste i zidane)	950,00 KM
- kablovske veze podzemne i nadzemne vrijednosti do 20.000,00 KM	900,00 KM
- kablovske veze podzemne i nadzemne vrijednosti preko 20.000,00 KM	1.000,00.KM
- objekti javne rasvjete do 50.000,00 KM	900,00 KM
- objekti javne rasvjete preko 50.000,00 KM	950,00 KM

b) za telekomunikacione objekte:

Investiciona vrijednost	
- do 100.000,00 KM	1% od investicione vrijednosti
- od 100.000,00 do 200.000,00 KM	0,5% od investicione vrijednosti
- preko 200.000,00 KM	0,4% od investicione vrijednosti

c) za infrastrukturu: (vodovodi, kanalizacija, mostovi i sl.)

Investiciona vrijednost	
- do 100.000,00 KM	1% od investicione vrijednosti
- od 100.000,00 do 200.000,00 KM	0,5% od investicione vrijednosti
- od 200.000,00 KM do 500.000,00 KM	0,4% od investicione vrijednosti
- preko 500.000,00 KM	0,3% od investicione vrijednosti

d) za kotlovnice:

- instalirane snage od 65 do 200 kW u iznosu od	720,00 KM
- instalirane snage od 200 do 500 kW u iznosu od	1.008,00 KM
- instalirane snage od 500 do 1000 kW u iznosu od	1.310,40 KM
- instalirane snage preko 1000 kW u iznosu od	1.572,40 KM

Član 5.

Troškovi vršenja tehničkog pregleda građevina raspoređuju se na jednake dijelove članovima komisije.

Izuzetno od odredaba prethodnog stava, predsjedniku komisije, koji je ujedno i član komisije za određenu oblast, naknada se uvećava za 20%.

Izuzetno od odredaba člana 4. ovog Cjenovnika, kada se radi o najsloženijim tehničkim pregledima, Služba za prostorno uređenje i komunalne poslove može direktno ugovarati iznose naknada (dnevnica) sa predsjednicima komisije.

Član 6.

Investitor građevine troškove iz člana 4. ovog cjenovnika uplaćuje na žiroračun Općine u iznosu utvrđenom u skladu sa ovim Cjenovnikom u roku od 8 dana od dana prijema zaključka kojim su troškovi utvrđeni.

Porez i druge obaveze obračunava Služba za financije, privredu i mjesne zajednice Općine Goražde.

Član 7.

Isplata troškova tehničkog pregleda umanjениh za porez iz stava 2. predhonog člana, članovima komisije vrši se gotovinskim putem tekućih računa kod poslovnih banaka u roku od 8 dana od dana izvršene uplate od strane investitora.

Član 8.

Troškove vršenja tehničkog pregleda građevina po zahtjevima podnesenim do stupanja na snagu ovog Cjenovnika za koje nije donesen zaključak po obračunu troškova, obračunava Služba za prostorno uređenje i komunalne poslove u skladu sa ovim Cjenovnikom.

Član 9.

Ovaj Cjenovnik stupa na snagu narednog dana po objavljivanju na oglasnoj ploči Općine Goražde, a naknadno će se objaviti u „Službenim novinama Općine Goražde“.

Broj: 02-23-2580

Goražde, 20.05.2009. godine

NAČELNIK OPĆINE

Muhamed Ramović

ZAKLJUČCI

0166

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na devetoj redovnoj sjednici, održanoj dana 28.05.2009. godine, **donosi:**

ZAKLJUČAK

1. Glasanje se obavlja dizanjem ruke. Glasanje se obavlja tako što se na pozive Predsjedavajuće Vijeća istovremeno izjašnjava ko je „ZA“ prijedlog, ko je „PROTIV“ prijedloga ili ko je „SUZDRŽAN“.
2. Zaključak stupa na snagu danom donošenja.